

## SUID-AFRIKAANSE RADIOLIGA NUUS VIR SONDAG 2 JANUARIE 2022

Goeie môre en welkom by die weeklikse nuus uitsending van die Suid-Afrikaanse Radioliga, gelees deur \_\_\_\_\_ (jou naam, roepsein en QTH)

Die Suid-Afrikaanse Radioliga saai elke Sondag nuus bulletins uit in Afrikaans sowel as Engels om 08:15 en 08:30 Sentraal Afrika Tyd onderskeidelik uit op HF sowel as op verskeie BHF- en UHF-herhalers. Hierdie uitsendings word ook via Echolink herlei deur Johan, ZS6JPL. Die oudio bulletins kan afgelaai word vanaf die Liga webwerf by [www.sarl.org.za](http://www.sarl.org.za), terwyl die teks bulletins by <https://sarlnwsbulletin.wordpress.com/> afgelaai kan word. Om by die Mailchimp bulletin e-poslys aan te sluit, stuur 'n e-pos aan die SARL Sekretaris.

In die Nuus Vandag:

### ADVERTEER DIE KOMPETISIES

#### SARL-TROFEË EN TOEKENNINGS

en

#### NUWE LAEKRAG-PERK VIR ARRL HF-KOMPETISIES TREE IN WERK- ING OP 1 JANUARIE 2022

Bly ingeskakel vir meer inligting oor hierdie en ander interessante nuus items.

Ons begin die bulletin met nuus van 'n stil sleutel.

Dit is met leedwese dat ons aankondig dat die sleutel van Douglas Stuart, ZR1DS op Sondag 26 Desember 2021 stil geword het. Ons betuig ons innige meegevoel met sy familie en vriende.

### POUSE

#### VOORSPOEDIGE NUWE JAAR

Die President en Raad van die SARL wens alle radio amateurs 'n Voorspoedige Nuwe Jaar toe, dit is die Raad se wens dat die jaar gevul sal wees met sukses, goeie gesondheid en baie amateur radio-aktiwiteite.

### ADVERTEER DIE KOMPETISIES

Klubs en individue wat die gashere van die kompetisies in die 2022 Blou Boek is, word versoek om die kompetisie te adverteer deur 'n nuus item vir ten minste 2 Sondae voor die kompetisie vir SARL Nuus in te stuur. Laai die nuus item, in Engels en Afrikaans, op na [www.sarl.org.za/NewsInbox.asp](http://www.sarl.org.za/NewsInbox.asp). Verwys na Reël 2 van die Algemene Reëls.

#### DIE NARS GESLUIT OOR DIE VAKANSIETYDPERK

Die SARL-kantoor by die Nasionale Amateurradiosentrum is gesluit vir die Kers vakansie en heropen weer op Maandag 17 Januarie 2022.

## SARL-TROFEË EN TOEKENNINGS

Op 2 November 2021 is 'n SARL Kommunikasie aan lede gestuur met inligting oor die SARL-Trofeë en -Toekennings, 'n oproep vir mosies vir die 2022 AJV en nominasies om op die Raad te dien. Hierdie inligting is ook in die November 2021, Desember 2021 en Januarie 2022 uitgawes van Radio ZS. Tot op hede het die SARL-sekretaris twee toekennings benoemings ontvang, drie nominasies om op die Raad te dien en geen mosies vir die AJV nie. Is daar 'n Klub wat bereid is om die 2023 Nasionale Konvensie aan te bied? Moet asseblief nie wag tot Sondag 30 Januarie 2022 om jou mosie of nominasie in te dien nie - doen dit nou!

Jy luister na nuus uitsending van die Suid-Afrikaanse Radioliga.

## Die CQ DX Marathon

Die CQ DX Marathon is 'n jaar lange DX-jagtog, met deelnemers wat meeding om te sien wie die grootste aantal lande ("entiteite") en CQ-sones gedurende die kalenderjaar kan werk. Die 2022-uitgawe het op 1 Januarie om 00:00 UTC begin en sal op 31 Desember om 23:59 UTC eindig. Volledige besonderhede kan gevind word by [www.dxmarathon.com/](http://www.dxmarathon.com/).

## NUWE LAEKRAG-PERK VIR ARRL HF-KOMPETISIES TREE IN WERK-ING OP 1 JANUARIE 2022

Die ARRL het 'n nuwe standaard gestel vir wat tel as lae krag vir ARRL-geborgde HF-kompetisies. Die nuwe perk is 100 W, wat laer is van die 150 W-perk wat in sommige kompetisies toegelaat is, insluitend die ARRL November Sweepstakes. Met die uitsondering van die ARRL-Velddag, tree hierdie verandering in werking op 1 Januarie 2022, vir alle ARRL-geborgde HF-kompetisies, sowel as die IARU HF-Wêreldkampioenskap in Julie 2022.

Hierdie verandering is geïmplementeer om lae krag kategorieë binne die kompetisie gemeenskap te standaardiseer. Op 'n meer praktiese vlak het die tipiese moderne HF-sender/ontvanger egter 'n maksimum krag lewering van 100 W.

## HF VOORTPLANTINGSVOORSPELLING

Hannes Coetzee, ZS6BZP, berig dat die verwagte sonaktiwiteitsvlak gematig gaan wees. Tans is daar 'n verskeidenheid van sonvlek groepe sigbaar en daar is 'n moontlikheid van C- en M-klas sonfakkels. Diegene wat hulle eie frekwensie voorspellings wil doen, kan 'n verwagte effektiewe sonvlektelling van 77 vir die week gebruik. Radio amateurs kan goeie DX openinge op die 10 tot 30 m bande verwag. Besoek gerus die webtuiste [spaceweather.sansa.org.za](http://spaceweather.sansa.org.za) vir meer inligting.

Nou die dagboek van gebeure vir die volgende paar weke:

3 en 4 Januarie – die Quadrantids Meteorstort

6 Januarie – die sluitingsdatum vir Straight Key Logstate

- 12 Januarie – die binnelandse skole open
- 14 tot 16 Januarie – die PEARS Nasionale BHF/UHF Kompetisie
- 19 Januarie – die kus skole open en die SARL Woensdag 80 m Klub kompetisie
- 22 Januarie – die Somer QRP kompetisie
- 24 Januarie – die sluitingsdatum vir Klub kompetisie logstate
- 26 Januarie – die Sandton ARK Tegiese Krag Uur praatjie
- 27 Januarie – die sluitingsdatum vir QRP logstate
- 31 Januarie – die sluitingsdatum vir AJV Mosies en nominasies vir Toekenning en om op die Raad te dien
- 1 Februarie – die registrasie vir Mei RAE open
- 5 Februarie – die SARL BHF/UHF FM Aktiwiteits dag
- 6 Februarie – die ADV GG Aktiwiteits dag

Om die bulletin mee af te sluit, 'n opsomming van ons hoof berig:

Klubs en individue wat die gashere van die kompetisies in die 2022 Blou Boek is, word versoek om die kompetisie te adverteer deur 'n nuus item vir ten minste 2 Sondae voor die kompetisie vir SARL Nuus in te stuur. Laai die nuus item, in Engels en Afrikaans, op na [www.sarl.org.za/NewsInbox.asp](http://www.sarl.org.za/NewsInbox.asp). Verwys na Reël 2 van die Algemene Reëls.

Dit bring ons aan die einde van hierdie bulletin.

Die Suid-Afrikaanse Radioliga se nuus diens nooi klubs en individue uit om nuus brokkies van belang vir radio amateurs en kortgolf luisteraars in te dien. Plaas nuus berigte indien moontlik, in beide Engels en Afrikaans op die Suid-Afrikaanse Radioliga webtuiste onder die 'news inbox' skakel nie later as die Donderdag wat die bulletin datum vooraf gaan nie.

Luister elke Sondag oggend om 10:00 Sentraal Afrika Tyd na "Amateur Radio Today." Daar is herleiding op 7 082 kHz laer syband deur Louis, ZS5LP en verskeie herleidings op BHF en UHF frekwensies regoor Suid-Afrika. 'n Heruitsending aangebied deur Andy ZS6ADY vind op Maandae aande om 19:30 Sentraal Afrika Tyd op 3 620 kHz plaas.

Ons ontvang graag jou sein rapporte, kommentaar en voorstelle, stuur 'n e-pos aan [artoday@sarl.org.za](mailto:artoday@sarl.org.za).

Jy het geluister na 'n nuus uitsending van die Suid-Afrikaanse Radioliga, geskryf deur Andy Cairns, ZS6ADY, geproeflees deur Vivian Dold ZS6VD en gelees deur .....

Van die Nuusspan, beste wense vir die week wat voorlê.